

Broj:01- 02/1-3257/23 SK
Sarajevo, 08.11.2023. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE B
DOM NARODA PARLAMENTA FBIH
n/r gđin. Izmir Hadžiavdzić, sekretar
n/r gđin. Ivica Pavković, delegat

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 08-11-2023

Org. jed.	Broj	Priloga	Vrijednost
05/2	-02-	358	23

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
n/r gđa. Edita Kalajdžić, sekretar

Predmet: Odgovor na inicijativu, **dostavlja se-**

Veza: Akt sekretara Doma naroda Parlamenta Federacije Bosne i Hercegovine, broj: 05/2-02-358/23 od 10.10.2023. godine i akt sekretara Vlade Federacije Bosne i Hercegovine, broj: 03-04-781-1/23 od 12.10.2023. godine

Poštovani,

U vezi sa inicijativom, koju je pokrenuo Ivica Pavković delegat u Domu naroda Parlamenta Federacije BiH kojom je zatraženo da se izmjeni Pravilnik kojim je definisano pravo za ostvarivanje dječijeg doplatka i da se omogući da roditelji odnosno staratelji djece koja ostvaruju navedeno pravo mogu primati odobrena sredstva na svoj tekući račun jer roditelji/staratelji raspolažu tim sredstvima. U vezi sa navedenim, dajemo sljedeći odgovor iz okvira nadležnosti Federalnog ministarstva rada i socijalne politike:

Pravilnikom o potrebnoj dokumentaciji za ostvarivanje prava na dječiji dodatak („Službene novine Federacije Bosne i Hercegovine“, broj: 69/22) koji je objavljen i na web stranici Federalnog ministarstva rada i socijalne politike (u daljem tekstu: Ministarstvo) je propisana potrebna dokumentacija za ostvarivanje prava na dječiji dodatak po federalnom propisu. Između ostalog, u istom je, u članu 14. propisano da bankovni račun mora biti otvoren na ime djeteta.

Dakle, kako je to definisano i Zakonom, nosilac prava je dijete i samim tim i bankovni račun treba biti otvoren na ime djeteta. Potrebno je napomenuti da postojeći Zakon i Pravilnik nisu prepreka da se, ukoliko to politika banke dozvoljava, za potrebe isplate dječijeg dodatka po federalnom propisu unutar jedne porodice otvori jedan račun koji bi imao više zasebnih podračuna/partija za svako dijete posebno. Također, bitno je naglasiti da je Ministarstvo stava da bankovni račun kada je u pitanju navedeno pravo treba biti otvoren na ime djeteta iz sigurnosnih razloga i zaštite navedenih sredstava prvenstveno imajući u vidu član 150. stav 1. Porodičnog zakona Federacije Bosne i Hercegovine („Službene novine Federacije BiH“, br. 35/05, 41/05 i 31/14) koji je

propisao da je organ starateljstva dužan po službenoj dužnosti poduzeti potrebne mjere radi zaštite prava i najboljeg interesa djeteta, a na osnovu neposrednog saznanja ili obavještenja, te da u skladu sa članom 155. stav 1. Zakona može u svako doba zahtijevati od roditelja polaganje računa o upravljanju imovinom djeteta i prihodima koje se ostvaruju za potrebe djeteta. Organ starateljstva također može, na osnovu člana 155. stav 2. Zakona, ukoliko postoji potreba, radi zaštite imovinskih interesa djeteta, odlučiti da roditelji u pogledu upravljanja imovinom imaju položaj staratelja, čime se ograničava pravo roditelja u pogledu upravljanja imovinom mlt. djeteta. Također, ukoliko je bankovni račun otvoren na ime djeteta sredstva na istom ne mogu biti predmet izvršenja kada je u pitanju postupak koji se vodi protiv djetetovog zakonskog zastupnika.

Svjesni da je riječ o socijalno najugroženijoj kategoriji stanovništva, Federalno ministarstvo rada i socijalne politike je aktom broj 05-02/3-2424/22 MJ od 14. oktobra 2022. godine preko Agencije za bankarstvo Federacije Bosne i Hercegovine i Udruženja banaka Bosne i Hercegovine uputilo inicijativu kojom je od svih banaka koje djeluju na području Federacije BiH zatraženo fleksibilnije postupanje u smislu omogućavanja otvaranja neke vrste zajedničkih računa ukoliko je više djece iz iste porodice ostvarilo pravo na dječji dodatak čime bi se njihovim zakonskim zastupnicima olakšalo raspolaganje sredstvima doznačenim po ovom osnovu i smanjili suvišni troškovi i administracija. Također, zatraženo je i razmatranje mogućnosti smanjenja troškova kojima su izložene socijalno osjetljive kategorije stanovništva prilikom otvaranja bankovnih računa na koje se vrše uplate novčanih sredstava ostvarenih po osnovu federalnih i kantonalnih propisa iz oblasti socijalne i dječje zaštite s posebnim fokusom na korisnike prava na dječji dodatak.

Ministarstvo je upoznato da je u mjesecu februaru, 2023. godine Vlada Federacije BiH, na prijedlog Federalnog ministarstva finansija, uputila Parlamentu FBiH na razmatranje Prijedlog zakona o izmjenama i dopunama Zakona o zaštiti korisnika finansijskih usluga koji je u konačnici trebao doprinijeti smanjenju troškova socijalno osjetljivim kategorijama stanovništva, međutim Ministarstvo nema informaciju da li je navedeni Prijedlog zakona u parlamentarnoj proceduri, o čemu bi informaciju trebalo zatražiti od Federalnog ministarstva finansija.

S poštovanjem,


MINISTAR
Adnan Delić

Dostavljeno:

- naslovu
- a/a